



754 MBH
29-09-2015

Broj: 03-04-05-24707/15
Sarajevo, 28.09.2015.godine

SKUPŠTINA KANTONA SARAJEVO **gosp. Sejo Bukva, predsjedavajući Skupštine**

PREDMET: Odgovor na zastupničko/poslaničko pitanje zastupnika/poslanika
Sabahudina Delalića

VEZA: Vaš akt, broj: 01-05-23154/15 od 08.09.2015. godine

Na Šestoj radnoj sjednici Skupštine Kantona Sarajevo, održanoj 02.09.2015. godine, u okviru tačke Dnevnog reda „Poslanička pitanja, inicijative i odgovori“, zastupnik/poslanik Sabahudin Delalić je postavio slijedeća zastupnička/poslanička pitanja:

„Pitanje za Ministra komunalne privrede i infrastrukture:

1.Vlada je svojim zaključkom od 18.062015. godine na prijedlog Ministarstva komunalne privrede i infrastrukture dodijelila poslove održavanja javne rasvjete KJKP „Park“ te istim zaključkom ovlastila KJKP „Park“ da u slučaju većeg obima kvarova na javnoj rasvjeti može angažovati podizvođača a uz saglasnost Ministarstva komunalne privrede i infrastrukture. Moje pitanje glasi: „Da li je KJKP „Park“ angažovao podizvođača i ako jeste o kom se podizvođaču radi, te da li je Ministarstvo dalo saglasnost za tog podizvođača?“

Pitanje za ministra pravde i uprave:

2.Da li je navedeni zaključak u skladu sa Zakonom o javnim nabavkama?“

ODGOVOR

Zaključak Vlade Kantona Sarajevo, broj: 02-05-17212-32/15 od 18.06.2015. godine temelji se na odredbama čl. 26. i 28. stav 4. Zakona o Vladi Kantona Sarajevo („Službene novine Kantona Sarajevo“, br. 36/14 i 37/14), koji generalno ovlašćuje Vladu Kantona Sarajevo za donošenje uredbi, odluka, rješenja i zaključaka, dok nije naveden materijalni propis koji konkretno reguliše osnovu za donošenje ovog zaključka.

Očito je da ovaj zaključak Vlade Kantona Sarajevo nije temeljen na Zakonu o javnim nabavkama („Službeni glasnik BiH“, broj 39/14), radi čega nije moguće cijeliti njegovu usklađenost sa Zakonom o javnim nabavkama.

U kontekstu Zakona o javnim nabavkama mogu se cijeliti samo zakonske procedure angažovanja podizvođača radova za potrebe KJKP „Park“, koja se vrši uz saglasnost Ministarstva komunalne privrede i infrastrukture kako to reguliše predmetni zaključak.

S tim u vezi, ukazujemo na odredbe člana 6. Zakona o javnim nabavkama kojim je propisano:

„Ugovorni organ dužan je dodjeljivati ugovore o javnoj nabavci robe, usluga i radova primjenjujući postupke definirane ovim zakonom i podzakonskim aktima.“



U konkretnom slučaju, KJKP „Park“ javlja se u ulozi ugovornog organa i slijedom toga dužan je, prilikom odabira podizvođača radova, postupati i provesti proceduru propisanu Zakonom o javnim nabavkama.


Napominjemo da je Zakon o javnim nabavkama donijela Parlamentarna skupština Bosne i Hercegovine i da je odredbama člana 92. ovog Zakona propisano da Agencija za javne nabavke ima ulogu da osigura pravilno provođenje ovog zakona i nadležnost za pružanje tehničke pomoći i savjetodavnih mišljenja ugovornim organima i ponuđačima u vezi s pravilnom primjenom ovog zakona i podzakonskih akata donesenih u provođenju ovog zakona.

Iz navedenog proizilazi da je Agencija za javne nabavke mjerodavna da cijeni zakonitost provedenog postupka javne nabavke (ugovorenih radova) u konkretnom slučaju.

S poštovanjem,

Dostaviti:

1. Naslovu;
2. a/a.



MINISTAR

Enver Smajkač, dipl. pravnik



web: <http://mpu.ks.gov.ba>

e-mail: pravda@ks.gov.ba

Tel: + 387 (0) 33 562-083, Fax: + 387 (0) 33 562-241

Sarajevo, Reisa Džemaludina Čauševića 1

